

BESTELAKO XEDAPENAK

OGASUN ETA FINANTZA SAILA

5296

325/2024 DEKRETUA, azaroaren 5ekoa, zeinaren bidez gaitzen baitira 526.398,23 euroko kredituak 3112 Programan (Lana), Euskal Autonomia Erkidegoko Administrazioaren 2024. urterako aurrekontuko 9211 Programan (Espainiako Sektore Publikoarekiko Finantza Harremanak) diru-sarrerak izateagatik, eta Osalanen kreditu gehigarria baimentzen baita.

Lan eta Gizarte Ekonomiako ekainaren 25eko TES/645/2024 Aginduak lurraldeka banatzen ditu 2024ko ekitaldirako laneko arriskuen prebentzioaren arloko ekintzetarako kredituak, Estatuko Aurrekontu Orokorren kargura finantzatuak. Funtsak banatzeko ezarritako irizpidearen arabera. Euskal Autonomia Erkidegoari dagokion zenbatekoa 581.484,14 eurokoa da.

Kopuru horretatik % 75eko lehenengo ordainketa jaso da, 381.027,20 euro, aurreko ekitaldiko kreditu ez-konprometitua (55.085,91 euro) deskontatu ondoren, eta gainerakoa urrian jasotzea aurreikusten da. Beraz, Ekonomia, Lan eta Enplegu Sailak 526.398,23 euro gaitzeko eskatzen du lan-arriskuen prebentzioaren arloko ekintzetarako, eta ekintza horien kudeaketa Osalan erakunde autonomoari dagokiola kontuan hartuta, erakunde horrek kreditu gehigarria eskatu du, kopuru berekoa, aipatutako ekintzak gauzatu ahal izateko.

Horregatik, kreditua gaitzen da, bat etorri Euskal Autonomia Erkidegoko aurrekontuen erregimenaren arloan indarrean dauden lege xedapenen testu bategina onartzen duen maiatzaren 24ko 1/2011 Legegintza Dekretuaren 82. eta 83. artikuluetan xedatutakoarekin.

Horren ondorioz, Jaurlaritzako bigarren lehendakariorde eta Ekonomia, Lan eta Enpleguko sailburuaren eta Ogasun eta Finantzetako sailburuaren proposamenez, eta Gobernu Kontseiluak 2024ko azaroaren 5ean egindako bilkuran proposamena aztertu eta onartu ondoren, honako hau

XEDATZEN DUT:

Lehenengo artikulua.– Onartzea kredituak gaitzea Euskal Autonomia Erkidegoko Administrazio Orokorreko 2024. urteko aurrekontuan, gastuen egoera-orri honetan:

Programa	Azpikontzeptua	Euroak
3112	401.00	526.398,23

Kreditu hori sortu da diru-kopuru bera lortu delako honako diru-sarreraren egoera-orri honetan:

Programa	Azpikontzeptua	Euroak
9211	430.00	526.398,23

Bigarren artikulua.— Ordainketa-kreditu gehigarri bat baimentzea Osalan erakunde autonomoaren 2024ko ekitaldirako aurrekontuan, 3113 programan (Lana), 526.398,23 eurokoa.

Funtsak laneko arriskuen prebentzioaren arloko ekintzak finantzatzeko erabiliko dira.

AZKEN XEDAPENA.— Indarrean jartzea.

Dekretu honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

Vitoria-Gasteizen, 2024ko azaroaren 5a.

Lehendakaria,
IMANOL PRADALES GIL.

Jaurlaritzako bigarren lehendakariorde eta Ekonomia, Lan eta Enpleguko sailburua,
MIGUEL TORRES LORENZO.

Ogasun eta Finantzetako sailburua,
NOËL D'ANJOU OLAIZOLA.